



CANTON SARAJEVO
Cantonal Civil Protection Administration
Operational Center

Broj: 04-40-1-89/20
Sarajevo, 30.03.2020. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 29.03.2020. do 08:30 sati 30.03.2020. godine

U skladu sa ovlaštenjima koje ima prema Zakonu o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), kao i drugim podzakonskim propisima iz oblasti zaštite i spašavanja, te Odluci Vlade Kantona Sarajevo o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo, broj: 02-04-7986-1.1/20 od 18.03.2020. godine, Štab civilne zaštite Kantona Sarajevo (u daljnjem tekstu: Štab) je u toku jučerašnjeg dana nastavio sa aktivnostima na provođenju preventivnih mjera na smanjenju opasnosti od širenja zarazne bolesti uzrokovane koronavirusom (COVID-19) na području Kantona Sarajevo.

U toku jučerašnjeg dana Štab je održao sjednicu na kojoj je analizirao trenutno stanje na području Kantona Sarajevo uzrokovano pojavom koronavirusa (COVID-19), kao i mjere i aktivnosti koje su poduzete na realizaciji naredbe Štaba vezane za kontinuiranu dezinfekciju svih stambenih ulaza i zajedničkih dijelova stambenih zgrada na području Kantona Sarajevo i naredbe koje se odnose na dostavu lijekova osobama starijim od 65 godina. Članovi Štaba su upoznati da su upravitelji sa petkom 27. marta završili dezinfekciju svih ulaza koju su radili samostalno i da će biti nastavljeno provođenja kontinuirane dezinfekcija svih stambenih ulaza i zajedničkih dijelova stambenih zgrada prema planu koji su izkoordinirali i pripremili timovi iz Ministarstva prostornog uređenja, građenja i zaštite okoliša Kantona Sarajevo i KJP Veterinarska stanica sa upraviteljima. Štab je konstatovao, da su poduzete sve mjere i aktivnosti da od ponedjeljeka 30. marta počne implementacija naredbe vezane



za dostavljanje lijekova osobama starijih od 65 godina koje žive same i koje nemaju bližnjeg srodnika da se brine o njima.

Štab je na sjednici donio i naredbu kojom se sva okupljanja, i javna i privatna, sa više od 20 osoba zabranjuju, dok se na skupovima do 20 osoba obavezno mora poštovati socijalna distanca i sve propisane epidemiološko-zaštitne mjere, kao i naredbu kojom je naređeno JU Opća bolnica „Prim. dr. Abdulah Nakaš“ da izvrši procjenu svojih materijalnih, tehničkih i ljudskih kapaciteta u cilju suzbijanja širenja novog Coronavirusa (2019-nCov) i da ukoliko je neophodno angažira dodatne resurse, na način da sa istim zaključi ugovore o poslovnoj saradnji.

Služba za veterinarske poslove je u toku jučerašnjeg dana bila angažovana na planskoj dezinfekciji objekata i javnih površina pravnih i fizičkih lica i zajedničkih prostora na području općina Centar, Hadžići i Stari Grad.

Općinski štab civilne zaštite Hadžići:

Služba za vodosnabdijevanje i asanaciju terena nastavila je aktivnosti na dezinfekciji ulica i javnih površina. Navedena Služba je također, zbog pojačanog broja migranata u kampu Ušivak, tri puta u toku jučerašnjeg dana dostavila pitku vodu sa cisternom kao dopunu rezervoara u kampu, te radila na uspostavljanju adekvatnog vodosnabdijevanja objekata Federalnog MUP-a u Suhodolu.

Općinski štab civilne zaštite Vogošća:

U toku jučerašnjeg dana u skladu sa Naredbom Općinskog štaba civilne zaštite nastavljene su planske aktivnosti na pranju i dezinfekciji ulica koje su izvršavali KJKP Rad i VD Vogošća, kao i aktivnosti nabavke dezinfekcionih sredstava, zaštitne opreme (maske, rukavice, odijela i dr. opreme) i nabavke hrane za ugrožene građane Općine Vogošća, te aktivnosti na kontinuiranoj kampanji na poštivanju mjera zaštite građana od moguće zaraze koronavirusa putem lokalne RTV Vogošća.

Od ostalih općinskih štabova civilne zaštite s područja Kantona Sarajevo putem njihovih operativnih centara civilne zaštite smo obavješteni, da kontinuirano rade na provođenju preventivnih mjera zaštite i spašavanja, na čišćenju i pranju ulica, trotoara i drugih javnih površina, kao i dezinfekcija javnih objekata, ulica, trotoara, javnih stepeništa, trgova, javnih parkinga i drugih prostora, kao i na nabavci neophodne zaštite opreme i sredstava.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 12 intervencija manjeg intenziteta.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.



KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu je iznosila - 3°C, relativna vlažnost zraka 76% a barometarski pritisak 940,0 hPa.

BIHAMK: Saobraćaj na području Kantona Sarajevo se odvija uredno, osim na dionicama na kojimase izvode planirani radovi, gdje se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH**, gradski, međugradski i željeznički saobraćaj je obustavljen po naredbi Federalnog Štaba civilne zaštite.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1